

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj 7/10), a u vezi sa članovima 138., 139. i 140. Zakona o visokom obrazovanju („Službene novine Zeničko-dobojskog kantona”, broj 6/09) i članom 11. Zakona o javnoj ustanovi Univerzitet u Zenici („Službene novine Zeničko-dobojskog kantona“, broj 6/05, 11/06, 6/09, 10/11 i 16/11), Vlada Zeničko-dobojskog kantona, na prijedlog Ministarstva za obrazovanje, nauku, kulturu i sport, na 81. sjednici, održanoj 28.09.2012. godine,
d o n o s i

ZAKLJUČAK

**o utvrđivanju Prijedloga Odluke o davanju saglasnosti na finansiranje studijskog programa
Arapski jezik i književnost na Islamskom pedagoškom fakultetu, pridruženoj članici
Univerziteta u Zenici**

I.

Utvrđuje se Prijedlog Odluke o davanju saglasnosti na finansiranje studijskog programa Arapski jezik i književnost na Islamskom pedagoškom fakultetu, pridruženoj članici Univerziteta u Zenici.

II.

Prijedlog Odluke iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/12.

Datum, 28.09.2012. godine

Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za obrazovanje, nauku, kulturu i sport,

1x Stručna služba Skupštine,

1x a/a.

Na osnovu člana 37. stav 1. tačka f) Ustava Zeničko-dobojskog kantona, a u vezi sa članovima 138., 139. i 140. Zakona o visokom obrazovanju („Službene novine Zeničko-dobojskog kantona”, broj: 6/09) i članom 11. Zakona o javnoj ustanovi Univerzitet u Zenici („Službene novine Zeničko-dobojskog kantona“, broj: 6/05, 11/06, 6/09, 10/11 i 16/11), Skupština Zeničko-dobojskog kantona, na ____ sjednici, održanoj _____2012. godine, donosi

ODLUKU

o davanju saglasnosti na finansiranje studijskog programa Arapski jezik i književnost na Islamskom pedagoškom fakultetu, pridruženoj članici Univerziteta u Zenici

Član 1.

Daje se saglasnost na finansiranje studijskog programa Arapski jezik i književnost na Islamskom pedagoškom fakultetu, pridruženoj članici Univerziteta u Zenici.

Član 2.

Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 01-_____ /12.

Datum,

Z e n i c a

PREDSJEDAVAJUĆI

Sretko Radišić, s.r.

DOSTAVLJENO:

1x Ministarstvo za obrazovanje, nauku, kulturu i sport,

1x Univerzitet u Zenici, Rektorat, Fakultetska 3,

1x Islamski pedagoški fakultet, Juraja Neidharta 15,

1x a/a.

Obrazloženje

Pravni osnov

Pravni osnov za donošenje ove odluke temelji se na članu 37. stav 1. tačka f) Ustava Zeničko-dobojskog kantona, kao i na članovima 138., 139. i 140. Zakona o visokom obrazovanju („Službene novine Zeničko-dobojskog kantona”, broj: 6/09) i članu 11. Zakona o javnoj ustanovi Univerzitet u Zenici („Službene novine Zeničko-dobojskog kantona“, broj: 6/06, 11/06, 6/09, 10/11 i 16/11).

Razlozi za donošenje

Islamski pedagoški fakultet, pridružena članica Univerziteta u Zenici, čiji osnivač je Rijaset Islamske zajednice u Bosni i Hercegovini, pokrenuo je proceduru organizovanja studijskog programa Arapski jezik i književnost u skladu sa odredbama Zakona o visokom obrazovanju („Službene novine Zeničko-dobojskog kantona“, broj: 6/09).

Osnivač je usvojio Elaborat o opravdanosti organizovanja Odsjeka za arapski jezik i književnost, kao i Izvještaj Komisije matičara te donio Odluku o osnivanju I ciklusa studija Odsjeka za arapski jezik i književnost na Islamskom pedagoškom fakultetu (broj: 02-03-2-470-1/12 od 30.marta 2012. godine).

Senat Univerziteta u Zenici je dao saglasnost na Nastavni plan i program, a Vlada i Skupština Kantona treba da se izjasne o finansijskom aspektu organizovanja novog studijskog programa.

Skupština Zeničko-dobojskog kantona je 2002. godine donijela Odluku o utvrđivanju postojanja javnog interesa Zeničko-dobojskog kantona za finansiranje obrazovne djelatnosti Islamske pedagoške akademije, koja je stekla status pridružene članice Univerziteta u Zenici 2004. godine, kada je potpisan Ugovor o pridruživanju.

Finansijski pokazatelji

Budžetska sredstva za finansiranje Islamskog pedagoškog fakulteta utvrđena su u razdjelu 22, budžetska organizacija 04, potrošačka jedinica 0004, kao dio pozicije „Visoko obrazovanje ukupno“, koja uključuje i Univerzitet u Zenici.

Islamski pedagoški fakultet dostavio je Finansijski plan Odsjeka za arapski jezik za period 2012-2016. godina sa budžetskim zahtjevom kako slijedi:

- 12.000,00 KM za 2012. godinu,
- 29.050,00 KM za 2013. godinu,
- 26.800,00 KM za 2014. godinu,
- 23.425,00 KM za 2015. godinu,
- 12.175,00 KM za 2016. godinu.

U Obrazloženju Finansijskog plana navedeno je da je početak nastave na Odsjeku za arapski jezik i književnost planiran za akademsku 2012/2013. godinu te da će se rashodi kretati u granicama Prijedloga Budžeta za 2012. godinu.

U Mišljenju Ministarstva finansija navedeno je da, imajući u vidu navode iz Obrazloženja Finansijskog plana, „Ministarstvo nema primjedbi iz svoje nadležnosti“, uz napomenu da je potrebno i za naredne godine iznaći mogućnost obezbjeđenja finansijskih sredstava na odgovarajućim pozicijama Budžeta Kantona.

U Garanciji o postojanju uplaniranih sredstava u Budžetu za 2012. godinu za pokretanje nastave na Odsjeku za arapski jezik, Islamski pedagoški fakultet „odgovorno tvrdi da su u planu sufinansiranja ukalkulisani i troškovi finansiranja za period 2013. god.-2016. god. te da će prilikom izrade nacrtu budžeta za te godine navedeno biti uzeto u obzir“.